

Balea alibranca

Outros nomes:

Rorcual o ballena aliblanca (ESP)
Zere txikia (EUS)
Baleia-anã (POR)
Minke whale (ENG)
Vagehval (DAN)
Balaenoptère acutorostrata (FRA)
Zwergwal (DEU)

Características

Balea de pequeno tamaño, tipo rorcual, entre 7 e 10,5 m de lonxitude. As femias son lixeiramente máis grandes ca os machos. Corpo esvelto e cabeza puntiaguda, presenta unha crista lonxitudinal que se estende desde o morro ata o espiráculo. Posúe entre 230 e 360 barbas de cor branca amarelado a ambos os dous lados do maxilar. Os sucros da gorxa, entre 50 e 70, non chegan ao embigo. Nas aletas pectorais distínguese un parche branco.

A madurez sexual acádase a partir dos 6-8 anos. Os partos acontecen no inverno e principios da primavera, tras un período de xestación de 11-12 meses. O baleato, que é aleitado durante 4 a 6 meses, mide ao nacer entre 240-280 cm.

Aliméntase de peixes pequenos que forman cardumes como bocartes, xurelos e sardiñas. En exemplares estudados pola CEMMA en Galicia atopáronse diferentes especies e tamaños de peixes nos estómagos deste cetáceo. Os crustáceos, como o krill, está presente tamén na súa dieta.



Fotos: © CEMMA




Ilustración: © Tokio

Comportamento solitario ou en grupos pequenos de 2 a 3 exemplares, aínda que en zonas de alimentación poden reunirse máis individuos.

Cando sae a respirar o primeiro que asoma á superficie é o morro, seguido do espiráculo e da aleta dorsal no mesmo plano.

Na superficie realiza entre 5 e 8 expiracións pouco evidentes e ao mergullarse non saca a cola fóra da auga.




Fotos: © CEMMA

Balea intensamente sobreexplotada no século XX polas flotas baleeiras de todo o mundo.


Na actualidade é cazada no Atlántico norte polos noruegueses e no Pacífico norte e antártico polos xaponeses.

Surtidor e serie de inmersión



Amplamente distribuída por todos os océanos do mundo, en augas tépedas no inverno e frías no verán. Escasea considerablemente en augas tropicais.

Poden observarse exemplares no límite dos xeos. Con frecuencia obsérvanse en augas pouco profundas e próximas á plataforma continental, afastándose destas durante o desprazamento migratorio.



Situación de protección

A **Directiva Hábitat (92/43/CEE) da UE, relativa á conservación dos hábitats Naturales e da Fauna e Flora Silvestres**, nace como contribución da Unión Europea ao Cumio de Río para a conservación da biodiversidade (1992). Esta Directiva baséase por unha banda na designación de áreas de interese para as especies, denominada Rede Natura 2000, e no establecemento dun réxime común de protección para as especies estritamente protexidas.

No Anexo II recóllense as Especies animais e vexetais de interese comunitario que precisan da designación de zonas especiais de conservación. Entre estas especies figuran varias especies de cetáceos.

A transposición desta normativa á lexislación española e autonómica dá lugar á inclusión da especie na categoría de protección de **Vulnerable**, o que obriga á posta en marcha de Plans de Conservación.



Ameazas

Esta especie sofre as ameazas das actividades humanas:

Captura accidental en faenas pesqueiras

Contaminación química e acústica

Destrución do hábitat

Sobrepesca

Acoso e persecución por embarcacións de recreo

Impacto da navegación

A análise das ameazas, e a súa incidencia, indica que é necesario a rectificación das mesmas, eliminándoas ou minimizándoas, para garantir a supervivencia e bo estado da especie.

Proxecto para a conservación das especies de cetáceos

Para a posta en marcha dos **Plans de Conservación** das especies de cetáceos protexidas, necesítase unha recompilación de información mínima relativa á ecobiología básica dispoñible da especie, parámetros mínimos de información comportamental, ameazas potenciais e ao establecemento de medidas de conservación. Para iso lévase a cabo o proxecto: **Bases para o desenvolvemento dos plans de conservación das especies de cetáceos protexidas na "Demarcación mariña noratlántica"**.

Ten como obxecto a realización dun completo catálogo recompilatorio de información das especies de cetáceos incluídas no Real Decreto 139/2011, de 4 de febreiro, para o desenvolvemento da **Listaxe de Especies Silvestres en Réxime de Protección Especial e do Catálogo Español de Especies Ameazadas**, que están presentes no Norte Peninsular, de Galicia a Euskadi, así como nas augas da Zona Económica Exclusiva do Estado Español no Noroeste e Golfo de Biskaia, das que se teña información.

Este proxecto impulsado por **CEMMA-INT** conta coa colaboración de todas as entidades ambientais que traballan en cetáceos do Norte: **AMBAR, CEMMA, CEPESMA, e EIBE**, contando ademais coa colaboración dos máis importantes investigadores do Sur de Europa.

Organizan:

CEMMA-INT
www.cemma.org
localcemma@arrakis.es

AMBAR
www.ambarcetaceos.com/

CEPESMA
www.cepesma.org

EIBE
www.eibeh.org



Coa colaboración de:



Deseño e maquetación: ASTROPENTA MEDIO AMBIENTE SL. Fotos: © CEMMA. Idea orixinal © CEMMA-INT. Imprime: . DEP. LEGAL:

Balea alibranca

Balaenoptera acutorostrata

